

武甯縣志卷十

武甯縣知縣粵東何慶朝纂

城池 坊市附

惟王分邑度地而城陟岡望景以衛羣生武邑垣墉天
寶所營週徑七里山聚水滌修江如帶玉枕如屏市廛
井列衢巷交橫基局衛固繚繞舒闊

聖化翔洽風鶴無驚雉堞嵯峨長此昇平志城池

縣城

唐天寶四年縣令范建殊始築歲久城圯元至正間賊張
普獻來寇無城可守官民皆為所殘明洪武三年知縣
饒永謙因舊址築垣為四門復圯宏治十八年知縣毛
騏即江為險起自油榨嘴延西而北及東計三里餘令

武甯縣志 卷十

城池

四百六十一

民均丁糧出力朞月城成覆以甃閣間以堞樓巡以冷
舖守以機兵一時之備稱嚴正德六年知縣李梅重築
廣七里許高一丈十五年知縣陸浚重修嘉靖二十一
年知縣唐牧修治城門東曰賓陽門西曰慶豐門南曰
嚮日門北曰拱宸門嘉靖四十一年奉旨查修郡縣城
垣知縣吳思齊申請修砌尋轉官去四十四年知縣葉
棣委黨正汪蓬山董修城始用磚七百一十九丈有奇
高一丈五尺厚八尺四門樓臺水關煥然一新萬曆三
年知縣胡東陽重修城垣并四門樓臺易城門名東曰
迎恩門西曰映輝門南曰宣和門小南門曰映川門北
曰拱極門南少東曰通濟門今塞南少西曰小西門三
十一年知縣李呈芳以修費未經額編議將南路簡僻

山頭茅坪等四鋪每鋪減兵一名每年共減銀二十五兩六錢詳請扣存以爲修城工費三十六年知縣周道昌奉檄將每年自理紙贖銀一十五兩與前議減銀並爲修城之用崇禎十四年因流氛孔棘輔臣楊嗣昌以修儲備練四事請旨通行知縣璩伯崑以艱於費將一甲里長免役出費修城中上報可分度丈尺令各里增厚加高經兩載報竣乙酉闖賊蹂躪城邑坵墟迄

國朝康熙三年知縣馮其世奉檄復修增築樓石道諸加於舊五十五年五月大水自西關迤南至東關城盡圯經上官委勘議扣減各役五年工食修砌每年扣銀四百兩知縣王智經修雍正十年東門外失火延燒城樓知縣吳之彥修葺乾隆十一年水東門城及門樓俱圯知

武甯縣志

卷十

城池

二

五百三

縣嚴在昌捐修乾隆十八年南門城圯二十九丈知縣鄒應元捐修嘉慶十四年冬南門城樓圯知縣許敦仁捐修道光二十一年城圯知縣王師道勸捐重修易東曰迎恩門南曰阜豐門西曰慶成門北曰拱宸門咸豐三年髮逆踞江南湖北率爲賊區縣令陶集城紳重葺四年臬憲惲飭軍需局修補低者增薄者培并給實收以示鼓勵十年雨多城圯縣令楊於釐金欵撥修存案同治五年傾塌尤多縣令劉稟請上憲委候補縣江壁勘估迭經梁魏二令督修九年邑侯何捐廉倡浚從新增高并置東西水關石閘修建魁星閣等處計資甚鉅

按馮志載天寶築城後縣遷城遂廢未詳遷復原委

又明有洪武三年正德六年十五年三次修築皆遺漏未載惟嘉靖間葉棣修砌載周七百二十餘丈厚八尺梁志謂與今城不合悉照通志改正乃度今城丈尺馮志近是梁志實沿通志之誤且宏治十八年修城一次通志遺嘉靖二十一年四十一年修城二次通志府志俱遺梁志概未核明至萬曆三年以下通志誤入奉新梁志考之亦未悉有辨見藝文

坊市

宣化坊 在縣治南 一百一十二步

揚清坊 在縣治東 一百三十步

激濁坊 在縣治東 一百一十步

旬宣坊 在縣治東 一百四十步

藩屏坊 在縣治東 一百三十步

迎恩坊 在縣治南 一百六十步

明倫坊 在縣治東 三十八步

尊賢坊 在縣治西 四十五步

武甯縣志

卷十

城池

三

五百五

甘羅坊 在縣治西 一百一十步

仙桂坊 在縣治南 五十五步

悅親坊 在縣治北 一百二十步

招賢坊 在縣治東 六十步

遵禮坊 在縣治西 一百四十步

縣前橫街東竟紙坊街城角頭為明倫坊自觀前至上諭亭街監生

盧兆 齋修

街南有劉家巷抵登仕橋又下有石家巷通看鶴橋西

竟卧象橋廢今由棗樹下抵西水關為尊賢坊街南去縣

數步有小巷抵帶川又西至儒學前南通玉印橋又上

通貞節橋步雲橋街北有曹婆洞巷社壇巷俱通縣治

後巷自石道上諭亭至舊學前巷

縣前直街起進士方孟縉坊渡冠蓋橋穿十字街竟宣和

門中有舉人韋熙梯雲坊杜玉樹登雲坊併宣化坊俱廢

街左有北巷抵殷家巷街右有梅花巷今名交蘭巷通

儒學前玉印橋貞節橋縣前街葛天儀修道光三年天儀子效洪兄弟重修南門街貢

生羅九章修門外石道張武遷妻盛氏修道光四年葛鏡崖妻向氏監生葛華運妻翁氏同修

上坊街西竟映輝門東抵十字街自街頭至二團鄉飲李如松修街南有

費家巷一名徐家巷陳家巷田家巷俱抵城街北有青雲街

抵玉印橋又有林家巷抵貞節橋為仙桂坊又街南有

張家巷出小西門又有甘羅巷運糧巷俱抵城街北有

舊學前巷抵步雲橋又鍊爐巷迎春巷俱抵西水關為

甘羅坊自三團至鐵鑪巷鄉賓盛漢賢修鍊爐巷至西門余海玉妻鍾氏同姪理融修舊學前巷石道

生員張向辰修道光十年張又重修

下坊街東竟迎恩門西抵十字街自十字街至土地巷口盛楚白修街北

有土地巷通北巷殷家巷抵登仕橋街南有彭家巷抵

武甯縣志

卷十

城池

四

城吉家巷出映川門其巷東橫有打魚巷有龍船巷與

打魚巷接再小巷出通濟門今塞渡看鶴橋通夏家嶺紙

坊為招賢坊映川門路附近居民修黃定起兄弟重修自土地巷口至看鶴橋鄉賓盛漢賢修自

看鶴橋至迎恩門鄉賓杜佐商修道光二十八年佐商裔重修

東井街東竟迎恩門西通北門涼蓬下街北有汪家巷抵

城又有揚清激濁藩屏旬宣坊日佳右旋竟拱極門石道職員盧振達修

北門街南竟城角頭北竟拱極門為悅親坊街東有神廟

巷貞公巷俱抵城街西有縣後巷徐演公妻張氏修

青雲街南通上坊街北抵玉印橋橫穿梅花巷萬曆初年

闢今名新街口自青雲街抵上坊街上

萬曆三年知縣胡東陽闢城脚內外小巷各令廣三尺可

通車馬崇禎間知縣據伯崑增修內城內巷為擴城所

塞僅小西門至映川門可通往來城外巷自社壇起歷北門環城至大西門轉北接官塘源路如故至

國朝乾隆十七年知縣鄒應元闢四門城內小巷可通車馬如萬歷時

東門外街自城下起至校場右

汪家巷路百丈邑屏雷志雄修

北門外

街自城下起至楓樹林西門外街自城下起至龍潭寺附東關洲地

東關外水源發雙嶠山由雙板橋出宋家塢合北樓源水達城東賓陽橋循城而西過永慶寺合城內水至小南門入修江爲故道後或水勢決潰則由孟家灣直下識云水繞甘羅坊上士入朝堂水打孟家灣人民走上山所謂孟家灣者東溪外有官洲曠邈可植林木爲一縣廻護龍脉

武甯縣志

卷十

城池

五

五百二十二

之下砂也明嘉靖三年知縣陸浚命義民盛環砌石爲堤樹以杞柳環抱西流如故有地數十畝民侵墾之知縣唐牧清復入官隆慶末堤石樹木爲豪右竊取水流直下萬歷三十六年知縣周道昌以此方缺陷亟宜修補令里民植杞柳數萬株培護縣脈又汪姓獻地數十畝以益之地廣而栽植益盛立守夫巡稽嚴禁剪伐遂成茂林水復西流崇禎末年龍水驟發於永慶寺前直衝出江至國初逆將鄧雲龍屯駐兵營林木悉爲所伐水勢漸難復舊其後洲地多爲豪滑侵墾林木寥寥雍正十二年合邑紳士具呈知縣吳之彥踏明界至其界內官地已墾者悉令吐出後雖稍植樹木多在上洲其下洲荒空又被侵漁乾隆二十一年知縣鄒應元同教諭劉秉亮縣丞郭麟兆典史董

永錫復行清出查官洲南至修江北至墪西至東溪東至東嶽廟左小溝向東南直下達江爲界凡界內地永禁侵蝕保護東隅是在後之爲民父母者

武甯縣志

卷十

城池

六

七十一

